



Intervju



Petrič: Bošnjaci su autohtoni evropski narod i njihova budućnost je u EU

Wolfgang Petrič za 'Avaz'

Zabrinjava me bliskost Erdoana i Izetbegovića

5. strana

Vijeće sigurnosti: Rezolucija o Sjevernoj Koreji

UVEDENE OŠTRE SANKCIJE, KIM PRIJETI 'VELIKIM BOLOM'

6. i 7. strana



Sarajevo: Burno na Skupštini Saveza



PENZIONERI PO KO ZNA KOJI PUT ODGOVIL PROTESTE

10. strana

Stravično: Učestale tragedije na cestama

ZA ČETIRI DANA POGINULA ČETVORICA MOTOCIKLISTA

16. str.



DUBIOZE Negativne ocjene ugledne agencije

ALARMANTNO: BIH JE PRED BANKROTOM!

Može doći do pritiska na finansiranje i likvidnosti, navodi „Standard & Poor’s“ • Blizu smo da nam Svjetska banka i MMF otkazu aranžmane

Agencija „Standard & Poor’s“ potvrdila je BiH kreditni rejting B. No, prvi put još od 2008., a zbog nerada i nesposobnosti

aktuelne vlasti predvođene predsjedavajućim Vijeća ministara Denisom Zvizdićem, upozorila je i zaprijetila da će smanjiti rejting BiH ako se

nastavi s kašnjenjem reformi. - Zbog sve manjeg broja direktnih stranih investicija, privreda BiH ima veoma skroman rast - navodi se u analizi Agencije. 3. str.

Hasija Bećar

Teško nama penzionerima



Munevera Delić

Žestok udar po džepovima



Bakir Dizdarević

Ne znam šta da radimo!




REAKCIJE

Građani ogorčeni novim najavama

Hljeb ne smije poskupjeti!

2. strana



PONOVO NA SUDU

Severina i Milan nastavljaju rat po sudovima

24. str.



SANJIN PRGIĆ

Nisam znao da me Meša gleda, ali sam bio odličan

48. i 49. strana



INTERVJU Wolfgang Petrič, austrijski diplomata

Berlin je uznemiren zbog ponašanja Hrvatske u BiH

Kada vidim vrlo bliske odnose Izetbegovića i Erdoana, zabrinem se • Bošnjaci su autohtoni evropski narod i njihova budućnost je u EU

Razgovarao:
Sead NUMANOVIĆ

Moji kontakti s njemačkom vladom, s predstavnicima obje stranke u njoj, kažu mi da je Berlin veoma zabrinut zbog politike Hrvatske prema Bosni i Hercegovini. Podrška zvanog Zagreba „trećem entitetu“ nešto je što jako uznemirava njemačku vladu. Ni Beč ne podržava tu politiku ni stvaranje „trećeg entiteta“, kaže Wolfgang Petrič (Wolfgang Petritsch).

Nekadašnji visoki predstavnik u BiH i prekaljeni austrijski političar sada je predsjednik tamošnjeg ogranka „Austrian Marshall Funda“. U razgovoru za „Dnevni avaz“ on detaljno objašnjava političke tokove Zapada, ali i iznosi poglede na situaciju na Balkanu, posebno u BiH.

Desničarski populist

Petrič je kritičan i prema politici Bakira Izetbegovića, lidera SDA i bošnjačkog člana Predsjedništva BiH, zbog njegovog odnosa prema Turskoj.

- Nikome ne treba smetati ako neko nekome ode na vjenčanje kćerke. Ali, politika se treba graditi u skladu s činjenicom da su Bošnjaci autohtoni evropski narod i da je njihova budućnost u Evropskoj uniji. To je od ključne važnosti i za nas u EU, ali i za vas u BiH – ističe on.

□ **Region zapadnog Balkana ponovo je uzburkan. Predsjednica Hrvatske Kolinda Gra-**

Petrič: Procent mogućih ekstremista u Belgiji neuporedivo viši nego u BiH

bar-Kitarović u nekoliko navrata problematizirala je „deset hiljada simpatizera radikalnog islama“...

- To je tipičan primjer zloupotrebe napete situacije u kojoj su za sve „krivi muslimani“. Ta vrsta generalizacije odista je vrlo loša! Vrlo detaljne evropske i američke analize pokazale su da je jedna Belgija mnogo, mnogo više potencijalno utočište za moguće teroriste, kao i još neke zapadne evropske države, nego BiH. Procent mogućih ekstremista tamo je neuporedivo viši nego kada je vaša država u pitanju.

□ **Imali smo i istup šefa austrijske diplomatije Sebastiana Kurza...**

- Pa, on se, nažalost, protivio u desničarskog populista Austrije. Žao mi je da moram reći da on, jednostavno, ponekad zloupotrebljava svoju poziciju. Podrskom koju je uoči izbora u Makedoniji dao stranci VMRO-DPMNE i iznimno korumpiranim bivšim premijeru, kreirala je uzasnu situaciju za EU i komesara Johanesa Hana (Johannes Hahn).

□ **On je najvjerovatniji slijedeći kancelar?**

Zeman je poseban slučaj

- Moram to tako reći, gospodin Miloš Zeman, predsjednik Češke, poseban je slučaj. Njegovo je zdravlje nagriženo alkoh-

olom. On tu ima veliki problem. Žao mi je da je tako, ali je to istina. Stoga, njegove izjave ne treba uzimati kao vrijedne.

- Neka istraživanja to sugeriraju. Ali, sačekajmo ishod izbora, do kojih je još pet sedmica. Vidjet ćemo.

□ **Je li utemeljena tvrdnja nekih u regionu koji smatraju da i Hrvatska i Austrija govore ono što Njemačka misli?**

- Ne! To nije istina. Izbori u toj državi su za nekoliko dana. Kada oni prođu, vidjet ćemo novu energiju u evropskoj politici. Oni zagovaraju reformu EU, kao preduvjet za prijem novih članova. Morate znati da je za Evropu, pa samim tim i Balkan, prioritet reforma

institucija EU. Odmah nakon toga vidjet će se jasna perspektiva za države koje nam se žele pridružiti. U prvom redu, za zapadni Balkan.

Uspješna integracija
□ **Je li se BiH udaljila od Brisela? Previše gledamo Ankaru i Moskvu?**

- Ne želim kritizirati odnose koje neki ljudi imaju s različitim državama. Bez obzira na to jesu li to odnosi koje bosanski Srbi gaje sa Srbijom, bosanski Hrvati s Hrvatskom ili Bošnjaci s Ankarom. Za mene to, čak, i nije problem. No, problem jeste kada se takve politike vode naštrb BiH. Na djelu SDA ogromna je odgovornost da to uvide i odgovorno djeluju kada su u pitanju odnosi s Turskom i da znaju postaviti prioritete.

Definitivno, BiH je evropska država. Bosanski muslimani su evropski muslimani! Njihova uloga u BiH izuzetno je bitna ne samo za vas nego i za nas. Jer, imamo uspješnu priču integracije jednog naroda u evropsko društvo. Ta priča treba i nama i vama. Evropi zapljusnutoj novim valovima imigranta treba primjer kojim će demonstrirati uspjeh integracije. Treba nam i za gastarbajtere iz Turske. Treba nam i zbog naših populista koji na strahu žele profitirati.

Kada vidim vrlo bliske odnose Izetbegovića i Erdoana, zabrinem se. Uredu, ne smeta meni kada jedan drugome idu na privatne proslave. Politika je nešto sasvim drugo. Ona, kada su Bošnjaci u pitanju, mora ostati evropska politika.

Izetbegović, stoga, mora biti vrlo pažljiv kada su njegovi odnosi s turskim predsjednikom u pitanju. Ali, i Brisel prema Sarajevu. Istina, EU nije otpisala BiH. No, ne bavi se njome kako bi trebala. Mada, jedina perspektiva koju imate, jedini igrač u gradu je EU.

Cijeli intervju s Wolfgangom Petričem pročitajte na portalu Avaz.ba



Hadžić: Dokaz da se može uspjeti zalaganjem i posvećenošću

Ličnost dana Mahir Hadžić

Doktor za matematiku

Predavač i istraživač na Odsjeku za matematiku Kraljevskog koledža u Londonu

Dokaz da su naši ljudi cijenjeni širom svijeta je i Tuzlak Mahir Hadžić, predavač i istraživač na Odsjeku za matematiku Kraljevskog koledža u Londonu.

Osvojio je srebrnu medalju na Internacionalnoj matematičkoj olimpijadi u Vašingtonu 2001. godine, dvije bronzane medalje, u Koreji 2000. i 1999. u Rumuniji. Studirao je matematiku na Univerzitetu u Beču, a doktorirao u Americi.

Jedan je od najuspješnijih bh. matematičara, koji potvrđuje tezu da je BiH rasadnik talenata.

Ovaj bh. matematičar uvijek ističe da je cilj svih njegovih predavanja da zainteresira mlade za naučno istraživanje. Primjer je mladog čovjeka koji je uspio svojim zalaganjem i posvećenošću.

Rođen je u Tuzli 1982. godine, živi i radi u Londonu. N.K.

Lider SBB-a večeras kod Đakovića Gost 'Teleringa' Fahrudin Radončić



Đaković i Radončić: Dinamičan i otvoren razgovor

Predsjednik Saveza za bolju budućnost BiH i delegat u Domu naroda Parlamentarne skupštine BiH Fahrudin Radončić večeras je gost prvog izdanja emisije „Telering“ u novoj sezoni, a koju na RTRS-u uređuje i vodi poznati novinar Mato Đaković.

U vrlo dinamičnom i otvorenom razgovoru Radončić govori o razlozima zbog kojih je ušao u koaliciju sa SDA te o uvjetima pod kojima će bez razmišljanja izaći iz vlasti. On je dalje govorio o suštinskim razlikama SBB-a i SDA te njega i Bakira Izetbegovića, kao i o tome zašto ne podržava

predsjedavajućeg Vijeća ministara Denisa Zvizdića.

Radončić, također, vrlo otvoreno govori o procesu koji se vodi protiv njega pred Sudom BiH te o tome ko je montirao optužnicu protiv njega, kao i o vezi raznih iranskih krugova s ovim slučajem.

Direktno govori o tome ko su najveći neprijatelji BiH, zašto milijarde KM za gradnju putne infrastrukture stoje neiskorištene, izbornoj kampanji, o utrci za člana Predsjedništva BiH te koga bi volio vidjeti kao kandidata SDA.

Intervju će biti emitiran večeras na RTRS-u u 21.15 sati.

Putina nije briga za Balkan

- Rusija Balkan koristi samo da bi destabilizirala Evropu. Ko god misli da se može osloniti na Moskvu, grdno se vara. Putin nije glup. Jasno je njemu gdje je Balkan, a gdje su Ukrajina i Gruzija, na primjer. Balkan je u sruču Evrope. Kada ima EU koja

provodi anemičnu politiku u BiH, ali i cijelom regionu, naravno da će iskoristiti priliku i umiješati se. To je politika moćnih.

Šta je Milorad Dodik dobio od Rusije? Gdje su toliko potrebni novci? On je toliko puta pričao o

ogromnim ciframa. Šta je donio iz Moskve? Naplaćen klirinški dug u novcu? Mnogo više otišlo je Federaciji nego RS. I tu se tako jasno vidi da je odnos Rusije prema Balkanu mnogo više priča nego stvarana, realna (finansijska) pomoć.